



საქართველოს გაერთიანებული სახელმწიფოს და სოფლის მეურნეობის მინისტრი

ბრძანება N 2-893

06/10/2020

ქ. თბილისი

ხობის მუნიციპალიტეტში, სოფ. პატარა ფოთში, შპს „ზღვის პროდუქტების“ ჩამდინარე წყლების გამწმენდი ნაგებობის მოწყობასა და ექსპლუატაციაზე სკრინინგის გადაწყვეტილების გაცემის შესახებ

შპს „ზღვის პროდუქტების“ მიერ გზშ-ის ჩატარების საჭიროების დადგენის მიზნით, საქართველოს გარემოს დაცვისა და სოფლის მეურნეობის სამინისტროში წარმოდგენილია ხობის მუნიციპალიტეტში, სოფ. პატარა ფოთში ჩამდინარე წყლების გამწმენდი ნაგებობის მოწყობისა და ექსპლუატაციის სკრინინგის განცხადება.

წარმოდგენილი დოკუმენტაციით დგინდება, რომ ჩამდინარე წყლების გამწმენდი ნაგებობის მოწყობა იგეგმება ხობის მუნიციპალიტეტში, სოფ. პატარა ფოთში, შპს „ზღვის პროდუქტების“ საკუთრებაში არსებულ არასასოფლო-სამეურნეო დანიშნულების, 19288 მ² ფართობის მქონე მიწის ნაკვეთზე (ს/კ 45.08.25.043). განცხადების მიხედვით, საპროექტო ტერიტორიის საკადასტრო საზღვრიდან 120 მეტრში მიედინება მდ. რიონი. წარმოდგენილი მონაცემების ელექტრონული გადამოწმების შედეგად დადგინდა, რომ უახლოესი საცხოვრებელი სახლი ტერიტორიიდან დაახლოებით 800 მეტრში მდებარეობს, საპროექტო ტერიტორიიდან სამხრეთ-დასავლეთით დაახლოებით 370 მეტრში მდებარეობს სასოფლო-სამეურნეო მიწის ნაკვეთებზე არსებული შენობანაგებობები, დაზუსტებას საჭიროებს მათი დანიშნულება. დაახლოებით 550 მეტრში - შპს „გეოფიშ კომპანის“ თევზის გადამამუშავებელი (ანალოგიური ტიპის) საწარმო, სამხრეთ-აღმოსავლეთის მხრიდან ესაზღვრება კირქვის გადამამუშავებელი საწარმო, ხოლო სამხრეთის მხრიდან ბეტონის საწარმო.

წარმოდგენილი სკრინინგის განცხადების მიხედვით, შპს „ზღვის პროდუქტები“ აღნიშნულ ტერიტორიაზე ფლობს თევზის გადამამუშავებელ საწარმოს. საქმიანობა სეზონურია და გრძელდება წელიწადში 5 თვე, ნედლეულის მოპოვების სპეციფიკიდან გამომდინარე. საწარმოში ხორციელდება ყოველდღიურად 1000 ტონა თევზის (ქაფშია და მერლანტი) გადამამუშავება, საიდანაც დღე-ღამის განმავლობაში მიიღება 150 ტონა თევზის ფქვილი (22500 ტ/წელ) და 70 ტონა თევზის ზეთი (10500 ტ/წელ).

საწარმოს ფუნქციონირების პროცესში წარმოიქმნება საწარმოო ჩამდინარე წყლები, დღე-ღამეში 100 მ³ ოდენობით, შესაბამისად, დაგეგმილია გამწმენდი ნაგებობის მოწყობა და ექსპლუატაცია.

სკრინინგის განცხადების მიხედვით, გაწმენდის პროცესი მოიცავს რამოდენიმე საფეხურს: თავდაპირველად ხდება ქიმიური საშუალებებით წყლის PH განეიტრალება; შემდეგ ელექტრონული მუხტის განეიტრალება, შეწონილი ნაწილაკების ფანტელეზად შეკვრა და

ფოსფორის მოშორება; განცხადების მიხედვით საბოლოო ეტაპზე ხდება წყლის გაგრილება და ჩაშვება მდ. რიონის ერთერთ არხში, თუმცა მითითებულია მდ. რიონის GPS კოორდინატები, ამასთან მითითებული კოორდინატების ელექტრონული გადამოწმებით, საწარმოს და წყალჩასვების წერტილს შორის მოქცეულია სახელმწიფოს და კერძო მფლობელობაში არსებული სასოფლო-სამეურნეო ტიპის მიწის ნაკვეთები და საავტომობილო გზა, შესაბამისად წყალჩაშვების საკითხი საჭიროებს დაზუსტებას.

სკრინინგის განცხადების მიხედვით, თევზის გადამამუშავებელი საწარმოს ფუნქციონირების ეტაპზე, საქმიანობის სპეციფიკიდან გამომდინარე ადგილი აქვს მავნე ნივთიერებათა წარმოქმნას და მათ შემდგომ გაფრქვევას ატმოსფერულ ჰაერში. აღნიშნული მავნე ნივთიერებებია: მტვერი, ნახშირბადის, გოგირდის, აზოტის ოქსიდები და ქვარტლი. განცხადების მიხედვით, ჩამდინარე წყლების გამწმენდი სისტემის ფუნქციონირება არ გამოიწვევს ატმოსფერულ ჰაერში დამატებით მავნე ნივთიერებათა გაფრქვევას.

სკრინინგის განცხადების თანახმად, საწარმოო პროცესში წარმოიქმნება არასასიამოვნო სუნი, რომელიც განსაკუთრებით ინტენსიურია თევზის ნედლეულისაგან მშრალი ფეკილის მიმღებ წარმოებაში. აღნიშნული პრობლემის აღმოფხვრის მიზნით, საწარმოში მოწყობილია ე.წ. „ევაპუატორი“, რომლის მთავარი დანიშნულებაა ნედლეულიდან პროდუქციის გამოსავლიანობის გაზრდა, სუნისა და მტვრის ნაწილაკების გაფრქვევის შემცირება და ჩამდინარე წყლების გაწმენდა. თუმცა, როგორც განცხადებაშია აღნიშნული, ევაპუატორში გავლის შემდეგ, ჩამდინარე წყლები ვერ აკმაყოფილებს დადგენილ ნორმებს. დაგეგმილი გამწმენდი ნაგებობის ექსპლუატაციის ეტაპზე ასევე მოსალოდნელია ორგანული ნივთიერების დეგრადაციით გამოწვეული არასასიამოვნო სუნის გავრცელება ატმოსფერულ ჰაერში და მოსახლეობაში, რამაც შეიძლება გამოიწვიოს მნიშვნელოვანი ზემოქმედება. სკრინინგის განცხადებაში წარმოდგენილი ინფორმაცია არ იძლევა აღნიშნული საკითხის სრულყოფილად შეფასების საშუალებას, შესაბამისად საჭიროებს დამატებით შესწავლას და შეფასებას.

გამწმენდი ნაგებობის მოწყობის ეტაპზე და ასევე ექსპლუატაციის პერიოდში მოსალოდნელია როგორც სახიფათო ასევე არასახიფათო ნარჩენების, მათ შორის ორგანული ნარჩენების წარმოქმნა. სკრინინგის განცხადებაში არ არის წარმოდგენილი ინფორმაცია აღნიშნული ორგანული ნარჩენების რაოდენობის და მათი დროებითი მართვის ღონისძიებების, კერძოდ საწარმოს ტერიტორიაზე განთავსების პირობების შესახებ. ამასთან, განცხადებაში არ არის წარმოდგენილი ინფორმაცია გამწმენდი ნაგებობის მოწყობის პროცესის, მოწყობის ეტაპზე მოსალოდნელი სამშენებლო ნარჩენების და მათი შემდგომი მართვის შესახებ. აღსანიშნავია, რომ მდ. რიონი ტერიტორიიდან დაშორებულია 120 მეტრით, შესაბამისად, ნარჩენების არასწორმა მართვამ შესაძლოა ზემოქმედება მოახდინოს ზედაპირული წყლის ობიექტის ხარისხზე, რაც ასევე არ არის შეფასებული წარმოდგენილ სკრინინგის განცხადებაში.

განცხადებაში მითითებული მონაცემები არ იძლევა საშუალებას სრულყოფილად მოხდეს გამწმენდი ნაგებობის ეფექტურობის შეფასება, ვინაიდან არ არის წარმოდგენილი გაწმენდის ტექნოლოგიის დეტალური აღწერა და ნაგებობის საპასპორტო მონაცემები. ამასთან, განცხადების მიხედვით, წყლის გაგრილება მოხდება გაწმენდის პროცესის შემდეგ, თუმცა, განცხადებაში არ არის აღწერილი გაგრილების სისტემა და მისი ეფექტურობა.

„გარემოსდაცვითი შეფასების კოდექსის“ მე-7 მუხლის მე-5 ნაწილის შესაბამისად, სკრინინგის განცხადება გამოქვეყნდა სამინისტროს ოფიციალურ ვებგვერდზე და ხობის მუნიციპალიტეტის მერიის საინფორმაციო დაფაზე. საზოგადოების მხრიდან აღნიშნულ საქმიანობასთან დაკავშირებით წერილობითი შენიშვნები და მოსაზრებები არ ყოფილა წარმოდგენილი.

ზემოაღნიშნული გარემოებების გათვალისწინებით დგინდება, რომ ჩამდინარე წყლების გამწმენდი ნაგებობის ექსპლუატაციამ შესაძლოა გამოიწვიოს გარემოზე მნიშვნელოვანი ზემოქმედება შესაბამისად, შპს „ზღვის პროდუქტების“ საქმიანობიდან გამომდინარე მნიშვნელოვანია მოეწყოს ჩამდინარე წყლების სათანადო გამწმენდი ნაგებობა, რომელიც უზრუნველყოფს ჩამდინარე წყლებში ყველა დამაბინძურებელ ნივთიერებათა ზღვრულად დასაშვებ ჩაშვების ნორმამდე დაყვანას.

ზემოაღნიშნული კრიტერიუმების გათვალისწინებით, „გარემოსდაცვითი შეფასების კოდექსის“ მე-7 მუხლის მე-6 ნაწილის, ამავე კოდექსის II დანართის მე-10 პუნქტის 10,6 ქვეპუნქტის საფუძველ

ვ ბ რ ძ ა ნ ე ბ:

1. მიღებულ იქნეს სკრინინგის გადაწყვეტილება, რომ ხობის მუნიციპალიტეტში, სოფ. პატარა ფოთში, შპს „ზღვის პროდუქტების“ ჩამდინარე წყლების გამწმენდი ნაგებობის მოწყობა და ექსპლუატაცია **დაექვემდებაროს** გარემოზე ზემოქმედების შეფასებას;
2. შპს „ზღვის პროდუქტები“ ვალდებულია „გარემოსდაცვითი შეფასების კოდექსის“ მე-8 მუხლის შესაბამისად უზრუნველყოს სკოპინგის პროცედურის გავლა;
3. ბრძანება დაუყოვნებლივ გაეგზავნოს შპს „ზღვის პროდუქტებს“;
4. ბრძანება ძალაში შევიდეს შპს „ზღვის პროდუქტების“ მიერ ამ ბრძანების გაცნობისთანავე;
5. სკრინინგის გადაწყვეტილების გაცემიდან 5 დღის ვადაში აღნიშნული გადაწყვეტილება განთავსდეს სამინისტროს ოფიციალურ ვებგვერდზე და ხობის მუნიციპალიტეტის აღმასრულებელი ან/და წარმომადგენლობითი ორგანოს საინფორმაციო დაფაზე;
6. ბრძანება შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (თბილისი, დ. აღმაშენებლის ხეივანი, მე-12 კმ. N6) მხარის მიერ მისი ოფიციალური წესით გაცნობის დღიდან ერთი თვის ვადაში.

ლევან დავითაშვილი



მინისტრი